



Մ ՈՒՐՔ ԶԱԿՈՒ

ԱՌԱՋՆՈՐԴԱՆԻՍ ՄԱՅՐ ԿԵՂԵՅԻ



ՅԻՍԱՆԱԿԷՆ ԵՏՔ ԵՐԿՐՈՐԴ ԿԻՐԱԿԻ

1 ԴԵԿՏԵՄԲԵՐ 2019

Կիրակնօրեայ Ընթերցումներ	Էջ 1
Ծանուցումներ	Էջ 3

ԸՆԹԵՐՑՈՒՄ

ԵՍԱՅԻ ՄԱՐԳԱՐԷԻ ԳԻՐՔԷՆ

(36.22-37.11)

Քեղկիայի որդի Եղիակիմը, որ արքունի հազարապետն էր, հրովարտականերու քարտուղար Սոմնասը եւ Ասափի որդի Յովաքը, որ արձանագրութիւն պահող քարտուղարն էր, իրենց վերարկուները պատուած՝ եկան Եզեկիա թագաւորին մօտ, եւ Սենեքերիմի հրամանատարին խօսքերը փոխանցեցին:

Եզեկիա երբ լսեց՝ իր հազուստները պատուեց, քուրճ հագաւ եւ ելաւ Տիրոջ տաճարը գնաց, եւ Եղիակիմ հազարապետը, քարտուղար Սոմնասն ու տաճարի քահանաներէն ծերերը, բոլորն ալ քուրճեր հագած, ղրկեց Ամոսի որդի Եսայի մարգարէին քով, որպէսզի անոր ըսեն. «Եզեկիա այսպէս կ'ըսէ.՝ Այսօր սուգի, նախատինքի, կշտամբանքի եւ բարկութեան օր է: Ծննդական կնոջ պէս՝ երկուսքը բռներ

է մեզ, բայց ոյժ չունինք ծնանելու: Թող քու Տէր Աստուածդ լսէ թէ ի՞նչ կ'ըսէ Ասորեստանի թագաւորին հրամանատարը, որ իր Տիրոջ կողմէ ղրկուեցաւ կենդանի Աստուածը նախատելու ա՛յն նախատական խօսքերով, որ քու Տէր Աստուածդ լսեց: Արդ, հարցուր քու Տէր Աստուծոյդ, ի՞նչ պիտի ըլլայ մնացողներուս վիճակը»:

Երբ Եզեկիա թագաւորին ծառաները Եսայիի քով եկան, Եսայի ըսաւ անոնց. «Հետեւեալը ըսէք ձեր տիրոջ.՝ Այսպէս կ'ըսէ Տէրը. Մի՛ վախնար այն խօսքերէն որ լսեցիր եւ որոնցմով Ասորեստանի թագաւորին պատգամաւորները զիս նախատեցին: Ահաւասիկ ես անոր հոգին պիտի խռովեմ այնպիսի լուրով մը, որ ստանալուն պէս իր երկիրը պիտի վերադառնայ եւ հոն սուրով պիտի սպաննուի»:

Ասորեստանի թագաւորին հրամանատարը վերադարձաւ իր տիրոջ մօտ, որ Լաքիշէն ելած եւ Լիբնա քաղաքը պաշարած էր: Այնտեղ Սենեքերիմ լսելով որ Եթովպիոյ Թարակա թագաւորը իր վրայ յարձակած է, անոր դէմ դարձաւ: Նոյն ատեն պատգամաւորներ ղրկեց Եզեկիային, ըսելով.

«Այսպէս ըսէք Հրէաստանի թագաւոր Եզեկիային.- Այն Աստուածը որուն ապաւիններ ես՝ թող քեզ չխաբէ, ըսելով թէ Երուսաղէմը Ասորեստանի թագաւորին ձեռքը պիտի չմատնուի: Միթէ չլսեցի՞ր թէ ի՛նչպէս Ասորեստանի թագաւորները ամբողջ աշխարհը կործանեցին: Կը կարծես որ դուն պիտի ազատի՞ս»:

ՊՕՂՈՍ ԱՌԱՔԵԱԼԻ
ԹԵՍԱՂՈՆԻԿԵՑԻՆԵՐՈՒՆ ԳՐԱԾ
ԱՌԱՋԻՆ ՆԱՄԱԿԷՆ
(4.1-11)

Այսպէս, ուրեմն, եղբայրներ, մենք ձեզի սորվեցուցինք թէ ի՛նչպէս պէտք է ապրիլ Աստուծոյ հաճելի ըլլալու համար: Թէպէտ այդպէս կ'ապրինք արդէն, սակայն կը խնդրենք եւ Տէր Յիսուս Քրիստոսի անունով կը թելադրենք որ շարունակէք յառաջանալ ներկայ ձեր ընթացքին մէջ: Գիտէք թէ ի՛նչ պատուէրներ տուինք ձեզի Տէր Յիսուսի անունով, որովհետեւ Աստուծոյ կամքն է որ դուք սրբուիք եւ ամենեւին հեռու մնաք պոռնկութենէ: Ձեզմէ իւրաքանչիւրը թող սրբութեամբ ու պատուով ամուսնանայ: Կրքոտ ցանկութիւններու անձնատուր մի՛ ըլլաք հեթանոսներուն պէս, որոնք զԱստուած չեն ճանչնար. կամ չըլլայ որ մէկը եղբօր մը դէմ մեղանչէ անոր կիներ յափշտակելով, որովհետեւ այդ բոլորին համար Տէրը իր դատաստանին մէջ

անողոք պիտի ըլլայ, ինչպէս սկիզբէն ըսինք ձեզի եւ ազդարարեցինք: Միթէ Աստուած մեր պղծալից կեանքը շարունակելո՞ւ հրաւիրեց մեզ, թէ սրբութեամբ ապրելու: Անշուշտ թէ սրբութեամբ ապրելու: Հետեւաբար ով որ սրբութեան այս պատուէրը կ'արհամարհէ՝ մարդ մը անարգած չ'ըլլար, այլ նոյնինքն զԱստուած, որ իր Սուրբ Հոգին կու տայ մեզի:

Գալով եղբայրսիրութեան, մեր գրելուն պէտք չունիք, որովհետեւ ինքնին դուք Աստուծմէ սորված էք զիրար սիրել, ինչպէս արդէն գործնապէս ցոյց կու տաք այդ սէրը ամբողջ Մակեդոնիայի բոլոր եղբայրներուն նկատմամբ: Բայց դարձեալ, եղբայրներ, կը խնդրենք որ աւելի առատանաք ձեր սիրոյն մէջ, ջանաք հանդարտ կեանք մը վարել, միայն ձեր գործին նայիլ եւ ձեր աշխատանքի վաստակով ապրիլ, ինչպէս որ պատուիրեցինք ձեզի, որպէսզի ձեր պարկեշտ ընթացքով յարգուիք չհաւատացողներէն եւ ոեւէ մէկուն կարօտ չմնաք:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՂՈՒԿԱՍԻ
(13.1-9)

Ոմանք եկան Յիսուսի եւ պատմեցին այն գալիլիացիներուն մասին, որոնք Պիղատոսի կողմէ սպաննուեցան, երբ Աստուծոյ զոհ կը մատուցանէին: Յիսուս անոնց

ըսաւ. «Կը կարծէ՞ք թէ սպաննուող
 գալիլիացիները միւս բոլոր գալիլիացի-
 ներէն աւելի մեղաւոր էին, որ այդպիսի
 վախճան մը ունեցան: Ո՛չ: Կ'ըսեմ ձեզի,
 որ եթէ չապաշխարէք՝ դուք բոլորդ
 ալ նոյնպէս պիտի մեռնիք: Կամ ի՞նչ
 կը մտածէք այն տասնեւութ մարդոց
 մասին, որոնց վրայ ինկաւ աշտարակը
 Սելովամի մէջ եւ սպաննեց զանոնք:
 Անոնք աւելի՞ յանցաւոր էին քան
 Երուսաղէմի բոլոր բնակիչները: Ո՛չ:
 Կ'ըսեմ ձեզի, որ եթէ չապաշխարէք՝
 բոլորդ ալ նոյնպէս պիտի մեռնիք»:

Անոնց հետեւեալ առակը պատմեց.
 «Մարդ մը կար որ իր այգիին մէջ թզենի
 մը տնկած էր: Երբ ժամանակը եղաւ,
 թուզ քաղելու գնաց, բայց թզենիին
 վրայ պտուղ չգտաւ: Այգեպանին
 ըսաւ. “Այս երրորդ տարին է որ կու
 գամ թուզ քաղելու, բայց չեմ գտներ:
 Ուստի կտրէ՛ գայն, ինչո՞ւ անիմաստ
 կերպով տեղ գրաւէ”: Այգեպանը
 պատասխանեց. “Տէ՛ր, թող այս տարի
 ալ մնայ. ես իր շուրջի հողը կրկին կը
 փորեմ եւ պարարտացուցիչ կը դնեմ:
 Այս ձեւով թերեւս պտուղ տայ. ապա
 թէ ոչ՝ գալ տարի կտրէ գայն”»:

ՀՈԳԵՎԱՆՊԱՏԵԱՆ
ՁԵՐ ԱՐՁԱՆԱԳՐՈՒԹԻՒՆՆԵՐՈՒ
ԱՆԽՕՐՕՔ ԿԱՏԱՐԵՃԷՔ ԿԱՊՈՒԷԼՈՎ
ԵԿԵՂԵՅԻՅ ԴԻԿԱՆԱՏՈՒՄ:

Ս. ՅԱԿՈԲ
Առաջնորդանիստ
Մայր Եկեղեցի

ԱՍՏՈՒԱԾԱԲԱՆԱԿԱՆ ԼՍԱՐԱՆ/Ա.

Արամ Ա. Կաթողիկոսի
 25-ամեակին Առիթով

Կը դասախօսէ հովիւր՝
 Արժ. Տ. Գառնիկ ԱԼ. Քհնյ. Գոյունեան



3

Շաբաթ, 7 Դեկտեմբեր 2019-ի
 երեկոյեան ժամը 6.00-ին

ԱԿՆԱՐԿ 20-րդ ԴԱՐՈՒ
ՕՐԹՈՏՈՔՍ, ԿԱԹՈՒԼԻԿ
եւ ԲՈՂՈՔԱԿԱՆ
ԱՍՏՈՒԱԾԱԲԱՆՈՒԹԻՒՆՆԵՐՈՒՄ
Աւանդներ, Դէմքեր,
Մարտահրաւէրներ
եւ Հեռանկարներ

ՏՆՕՐՀՆԷՔ

Տնօրհներ փափաքող ընտանիքները,
թող բարեհաճին դիմել
Տ. Գառնիկ Ա. Քհնյ. Գոյունեանի,
հեռաձայնելով
514 909 5203 թիվին:

ԱՅԵԼԵՅՏՆԷՐ ԵԿԵՂԵՑՈՅՍ

ԴԻՄՏԵՏՐԻ ԷՁՐ
ԵՒ ՁԵՐ ՀԱԽԱՆՈՒԹԻՒՆՆԵՐ յԱՅՏԵՅՏԷՐ
(like).

www.facebook.com/SourpHagopChurchMontreal

ՀԻՒԱՆՈՒՆԵՐՈՒԻՆ ԱՅԵԼՈՒԹԻՒՆ

Բարեհաճեցէք հեռաձայնել
Արժ. Տ. Գառնիկ
Ա. Քհնյ. Գոյունեանի.
514 909 5203 թիվին:

ԱՅԵԼԵՅՏՆԷՐ ԱՆԵՒ

Ս. ՅԱԿՈԲ ԱՌԱՋՆՈՐԴԱՆԱՅՍ ՄԱՅՐ
ԵԿԵՂԵՑՈՅ ԿԱՅԷՁՐ՝
www.sourphagop.net



Հովանաւորութեամբ՝ Գերաշնորհ Տ. Բաբգէն Արք. Չարեանի Առաջնորդ Գանատայի Հայոց Թեմի
Under the auspices of His Eminence Archbishop Papken Tcharian Prelate of Canada

Քրիստոնէական Դաստիարակութեան Բաժանմունքը կը ներկայացնէ
The Prelacy's Religious Education Department presents

ԱԻԵՏԱՐԱՆ ԸՍՏ
ՅՈՎՀԱՆՆԷՍԻ

ՀԵՏԵԻԻԼ ՔՐԻՍՏՈՍԻ

Գերապատիւ Տ. Գեղարդ Ծ. Վրդ. Քիւսպէկեան

Սուրբ Գրոց Սերտողութեան Շարք

THE BIBLE STUDY SERIES

THE GOSPEL OF JOHN
FOLLOWING CHRIST

BY: RIGHT REV. FR. KEGHART KOSBAKIAN

4 Դեկտեմբեր, 2019

Ամէն Չորեքշաբթի երեկոները ժամը 20-21

Ազգային Առաջնորդարանի

Երուանդ և Անի Պասմաճեան Դահլիճէն ներս

December 4, 2019

Every Wednesday evening from 20-21

At the Prelacy's Yervant and Ani Basmadjian Hall
3401 Olivar Asselin, Montreal, Quebec H4J 1L5